

## ০৮ সেপ্টেম্বর ২০১৭ তারিখের কার্যক্রম

### সুব্রত মুখার্জি কাপে বিকেএসপি'র প্রমীলা ফুটবল দল কোয়ার্টার ফাইনালে

বিকেএসপি অনূর্ধ্ব-১৭ প্রমীলা ফুটবল দল ভারতে অনুষ্ঠিত সুব্রত মুখার্জি কাপ আন্তর্জাতিক ফুটবল প্রতিযোগিতা-২০১৭ এর কোয়ার্টার ফাইনাল খেলার যোগ্যতা অর্জন করেছে। দিল্লীর আমবেদকার স্টেডিয়ামে বিকেএসপি তাদের দ্বিতীয় খেলায় দিল্লীকে ৫-০ গোলের ব্যবধানে পরাজিত করে গ্রুপ চ্যাম্পিয়ন হয়েছে। মুক্তার হ্যাটট্রিকে বিকেএসপি এ সহজ জয় পায়। অপর ২টি গোল করেন রিতু পর্ণা চাকমা (২৯ মিনিট) ও শাহেদা (৫৭ মিনিট)। মুক্তা খেলার ২২, ৪৩ ও ৪৭ মিনিটে গোল তিনটি করেন। বিকেএসপি'র কৃতি স্ট্রাইকার মুক্তা প্রথম খেলায়ও ২টি গোল করেন। খেলায় বিকেএসপি'র গোলরক্ষককে তেমন কোন কঠিন পরীক্ষার সম্মুখীন হতে হয়নি। প্রমীলা দলটি সুব্রত কাপে এবার নিয়ে দ্বিতীয়বারের মত অংশ নিচ্ছে। ১৮ সদস্য বিশিষ্ট এ দলে ১৬ জন খেলোয়াড়, কোচ ও ম্যানেজার রয়েছেন। টুর্নামেন্টে মোট ৩২ টি দল ৮টি গ্রুপে অংশ নিচ্ছে। দলের মেনেজার ও কোচের দায়িত্বে আছেন যথাক্রমে মো. শাহীনুল হক ও জয়া চাকমা। উল্লেখ্য বিকেএসপি'র প্রমীলা দল গত বছর এ টুর্নামেন্টে প্রথমবারের মত অংশ নিয়ে কোয়ার্টার ফাইনাল খেলার যোগ্যতা অর্জন করে। প্রমীলা দলটি সুব্রত কাপে বাংলাদেশের হয়ে প্রতিনিধিত্ব করছে।



## ০৭ সেপ্টেম্বর ২০১৭ তারিখের কার্যক্রম

### সুরত মুখার্জি কাপ ফুটবলে বিকেএসপি প্রমীলা দলের শুভ সূচনা

বিকেএসপি অনূর্ধ্ব-১৭ প্রমীলা ফুটবল দল ভারতে অনুষ্ঠিত সুরত মুখার্জি কাপ আন্তর্জাতিক ফুটবল প্রতিযোগিতা-২০১৭ এর প্রথম খেলায় শুভ সূচনা করেছে। দিল্লীর আমবেদকার স্টেডিয়ামে বিকেএসপি তাদের প্রথম খেলায় ত্রিপুরাকে ৫-০ গোলের ব্যবধানে পরাজিত করে পূর্ণ ৩ পয়েন্ট অর্জন করে। খেলার প্রথম মিনিটেই বিকেএসপি রিপার দেয়া গোলে ১-০'তে লিড নিয়ে নেয়। এরফলে বিকেএসপি খেলায় সম্পূর্ণ প্রাধান্য বিস্তার করে খেলে। এর পর রেহানা (২৬ ও ৪৫ মিনিটে) এবং মুক্তা (৫২ ও ৬০ মিনিটে) আরও ৪টি গোল করে দলকে টুর্নামেন্টের সূচনা জয় এনে দেন। ত্রিপুরা খেলায় ফিরে আসার চেষ্টা করলেও বিকেএসপি'র রক্ষণভাগের দৃঢ়তায় তা সফল হয়নি। বিকেএসপি প্রমীলা দলটি দ্বিতীয়বারের মত এ টুর্নামেন্টে অংশ নিচ্ছে। আগামীকাল বিকেএসপি তাদের দ্বিতীয় খেলায় দিল্লীর বিপক্ষে মাঠে নামবে। ১৮ সদস্য বিশিষ্ট এ দলে ১৬ জন খেলোয়াড়, কোচ ও ম্যানেজার রয়েছেন। টুর্নামেন্টে মোট ৩২ টি দল ৮টি গ্রুপে অংশ নিচ্ছে। দলের মেনেজার ও কোচের দায়িত্বে আছেন যথাক্রমে মো. শাহীনুল হক ও জয়া চাকমা। উল্লেখ্য বিকেএসপি'র প্রমীলা দল গত বছর এ টুর্নামেন্টে প্রথমবারের মত অংশ নিয়ে কোয়ার্টার ফাইনাল খেলার যোগ্যতা অর্জন করে। প্রমীলা দলটি সুরত কাপে বাংলাদেশের হয়ে প্রতিনিধিত্ব করছে।



## বাস্কেটবল টুর্নামেন্টে নেপালের বিরুদ্ধে বাংলাদেশের দ্বিতীয় জয়

নেপালে অনুষ্ঠিত সাউথ এশিয়ান বাস্কেটবল অ্যাসোসিয়েশন (সাবা) অনূর্ধ্ব-১৬ (বালক) বাস্কেটবল চ্যাম্পিয়নশিপ-২০১৭ এর দ্বিতীয় খেলায় বাংলাদেশ অনূর্ধ্ব-১৬ বাস্কেটবল দল স্বাগতিক নেপালকে ৬৮-৫৭ পয়েন্টের ব্যবধানে পরাজিত করে তৃতীয় খেলায় দ্বিতীয় জয় পেয়েছে। খেলাটি ছিল অত্যন্ত প্রতিদ্বন্দ্বীতাপূর্ণ ও আকর্ষণীয়। বাংলাদেশ দল তাদের দ্বিতীয় খেলায় শক্তিশালী ভারতের নিকট ৮৩-৬৪ পয়েন্টে পরাজিত হয়। টুর্নামেন্ট চলবে আগামী ৯ সেপ্টেম্বর পর্যন্ত। এ টুর্নামেন্টে বাংলাদেশ ছাড়াও অংশ নিয়েছে ভুটান, মালদ্বীপ, পাকিস্তান, শ্রীলঙ্কা ও স্বাগতিক নেপাল। লিগ পদ্ধতিতে খেলা অনুষ্ঠিত হবে। নেপালে যাওয়া ১৬ সদস্যের বাংলাদেশ দলে খেলোয়াড় আছেন ১০ জন। ম্যানেজার, কোচ, রেফারি ও কর্তকর্তা ৬ জন। উল্লেখ্য বিকেএসপি দলটি বাংলাদেশ দলের প্রতিনিধিত্ব করছে। দলের খেলোয়াড়রা হলেন; টুটুল কুমার বিশ্বাস, কাজী রাইতুল ইসলাম, তানভীর প্রধান, শরিফুল ইসলাম, আব্দুল্লাহ রাব্বি, সজীব কুমার দাস, সৈয়দ সাবিদ হাসান, মুজাহিদ হক, আমির খান তাজিম ও মেহেদী হাসান রাব্বি। কর্মকর্তারা : ম্যানেজার- মোহাম্মদ আলী হোসেন, কর্মকর্তা- আসলাম উদ্দিন, মাইনুল আহসান মঞ্জু, খাইরুল আলম ফরহাদ, কোচ- মো. মাহবুবুর রহমান ও রেফারি- সবুজ মিয়া।



## ০৬ সেপ্টেম্বর ২০১৭ তারিখের কার্যক্রম

### বিকেএসপি প্রমীলা ফুটবল দলের সুব্রত মুখার্জি কাপ ফুটবল টুর্নামেন্টে অংশগ্রহণ

বিকেএসপি অনূর্ধ্ব-১৭ প্রমীলা ফুটবল দল ভারতে অনুষ্ঠিত সুব্রত মুখার্জি কাপ আন্তর্জাতিক ফুটবল প্রতিযোগিতা-২০১৭ এ অংশ নিতে এখন দিল্লিতে অবস্থান করছে। বিকেএসপি প্রমীলা দলটি দ্বিতীয়বারের মত এ টুর্নামেন্টে অংশ নিচ্ছে। ১৮ সদস্য বিশিষ্ট এ দলে ১৬ জন খেলোয়াড়, কোচ ও ম্যানেজার রয়েছেন। টুর্নামেন্টে মোট ৩২ টি দল ৮টি গ্রুপে অংশ নিবে। পুল-জি'তে বিকেএসপি ছাড়াও রয়েছে ত্রিপুরা, দিল্লি ও টিম-২৮। আগামীকাল (৭ সেপ্টেম্বর) বিকেএসপি তাদের প্রথম খেলায় ত্রিপুরা এবং ৮সেপ্টেম্বর দিল্লির বিপক্ষে খেলবে। গ্রুপ পর্বের তৃতীয় ম্যাচটি ৯সেপ্টেম্বর অনুষ্ঠিত হবার কথা রয়েছে। দলের মেনেজার ও কোচের দায়িত্বে আছেন যথাক্রমে মো. শাহীনুল হক ও জয়া চাকমা। উল্লেখ্য বিকেএসপি'র প্রমীলা দল গত বছর এ টুর্নামেন্টে প্রথমবারের মত অংশ নিয়ে কোয়ার্টার ফাইনাল খেলার যোগ্যতা অর্জন করে। প্রমীলা দলটি সুব্রত কাপে বাংলাদেশের হয়ে প্রতিনিধিত্ব করছে।



## ০৫ সেপ্টেম্বর ২০১৭ তারিখের কার্যক্রম

### বাস্কেটবলে বাংলাদেশের শুভ সূচনা

নেপালে অনুষ্ঠিত সাউথ এশিয়ান বাস্কেটবল অ্যাসোসিয়েশন (সাবা) অনূর্ধ্ব-১৬ (বালক) বাস্কেটবল চ্যাম্পিয়নশিপ-২০১৭ এ বাংলাদেশ অনূর্ধ্ব-১৬ বাস্কেটবল দল শুভ সূচনা করেছে। টুর্নামেন্টের উদ্বোধনী খেলায় বাংলাদেশ ভুটানকে ১১৭-৪৭ পয়েন্টের বিশাল ব্যবধানে পরাজিত করেছে। টুর্নামেন্ট চলবে আগামী ৯ সেপ্টেম্বর পর্যন্ত। এ টুর্নামেন্টে বাংলাদেশ ছাড়াও অংশ নিয়েছে ভুটান, মালদ্বীপ, পাকিস্তান, শ্রীলঙ্কা ও স্বাগতিক নেপাল। লিগ পদ্ধতিতে খেলা অনুষ্ঠিত হবে। নেপালে যাওয়া ১৬ সদস্যের বাংলাদেশ দলে খেলোয়াড় আছেন ১০ জন। ম্যানেজার, কোচ, রেফারি ও কর্তকর্তা ৬ জন। বাংলাদেশ দলের খেলোয়াড়রা হলেন; টুটুল কুমার বিশ্বাস, কাজী রাইতুল ইসলাম, তানভীর প্রধান, শরিফুল ইসলাম, আব্দুল্লাহ রাব্বি, সজীব কুমার দাস, সৈয়দ সাবিদ হাসান, মুজাহিদ হক, আমির খান তাজিম ও মেহেদী হাসান রাব্বি। কর্মকর্তারা : ম্যানেজার- মোহাম্মদ আলী হোসেন, কর্মকর্তা- আসলাম উদ্দিন, মাইনুল আহসান মঞ্জু, খাইরুল আলম ফরহাদ, কোচ- মো. মাহবুবুর রহমান ও রেফারি- সবুজ মিয়া। উল্লেখ্য বিকেএসপি বাস্কেটবল দলটি বাংলাদেশের হয়ে প্রতিনিধিত্ব করছে।



## ০১ সেপ্টেম্বর ২০১৭ তারিখের কার্যক্রম

### সুরত কাপ ফুটবলে বিকেএসপি'র বিদায়

বিকেএসপি অনূর্ধ্ব-১৪ ফুটবল দল ভারতের দিল্লিতে অনুষ্ঠিত ৫৮তম সুরত মুখার্জী কাপ আন্তর্জাতিক ফুটবল প্রতিযোগিতা-২০১৭ এর কোয়ার্টার ফাইনাল পর্বে আফগানিস্তানের নিকট ১-০ গোলে পরাজিত হয়ে টুর্নামেন্ট থেকে বিদায় নিয়েছে। বিকেএসপি প্রথমার্ধে এক চেটিয়া প্রাধান্য বিস্তার করে খেললেও গোল থেকে বঞ্চিত হয়। দ্বিতীয়ার্ধের শুরুতেই রেফারি বিকেএসপি'র অধিনায়ক রকিবুলকে লাল কার্ড দেখালে বিকেএসপি ১০ জনের দলে পরিনত হয়। এ সুযোগে দ্বিতীয়ার্ধের ১৭ মিনিটে আফগানদের হঠাৎ আক্রমণে বিকেএসপি ১-০ গোলে পিছিয়ে যায়। এরপর বিকেএসপি'র কিশোররা খেলায় ফিরে আসার জন্য আপ্রাণ চেষ্টা করে। খেলার অন্তিম মূহুর্তে স্ট্রাইকার নাসিরের ব্যর্থতায় বিকেএসপিকে ১-০ গোলের পরাজয়কে মেনে নিতে হয়। উল্লেখ্য বিকেএসপি বর্তমান চ্যাম্পিয়ন দল হিসেবে টুর্নামেন্টে অংশ নিয়েছিল এবং এবারের টুর্নামেন্টেও অন্যতম ফেবোরেট দল ছিল বিকেএসপি। গ্রুপ পর্বে বিকেএসপি'র কিশোর ফুটবলারদের খেলা দর্শকদের আনন্দ দিলেও কোয়ার্টার ফাইনালে ভালো খেলেও দলটির বিদায় ছিল হতাশজনক। টুর্নামেন্টে মোট ৩২ টি দল ৮টি গ্রুপে অংশ নেয়। পুল- 'এইচ' এ বিকেএসপি ছাড়াও ছিল সিকিম, ডামান এ্যান্ড ডিউ ও লাক্ষ্মীদ্বীপ প্রদেশ। বিকেএসপি দলের মেনেজার ও কোচের দায়িত্বে আছেন যথাক্রমে হাসান আল মাসুদ ও মো: আব্দুল্লাহ জাহিদ। উল্লেখ্য বিকেএসপি দলটি বাংলাদেশের হয়ে প্রতিনিধিত্ব করেছে।

